

Bosna i Hercegovina
Federacija Bosne i Hercegovine
Srednjobosanski Kanton/Kanton Središnja Bosna
KANTONALNI SUD U NOVOM TRAVNIKU
Broj: 06 0 K 011141 21 Kv 6
Novi Travnik, 17.06.2021. godine

U IME FEDERACIJE BOSNE I HERCEGOVINE!

Kantonalni sud u Novom Travniku, u vijeću sastavljenom od sudija: Davor Kelava, predsjednik vijeća, Zuhdija Ćosić i Suada Kahrić, članovi vijeća, sa zapisničarem Ermom Jusić, u krivičnom predmetu protiv osuđenog H. G. zbog krivičnog djela Razbojništva iz člana 289. stav 2. u vezi sa stavom 1. Krivičnog zakona Federacije Bosne i Hercegovine i dr., radi donošenja odluke po prijedlogu za nepravoponavljjanje postupka osuđenog lično od 25.03.2021. godine, po pravomoćnim presudama Kantonalnog suda u Novom Travniku broj 06 0 K 011141 20 Kv 4 od 22.01.2021. godine i Općinskog suda u Travniku broj 51 0 K 148623 19 K od 18.09.2020. godine, na sjednici vijeća održanoj dana 17.06.2021.godine, donio je sljedeću

PRESUDU

Kazne zatvora izrečene osuđenom H. G., pravomoćnim presudama i to: presudom Kantonalnog suda u Novom Travniku broj 06 0 K 011141 20 Kv 4 od 22.01.2021. godine, kojom je osuđen na jedinstvenu kaznu zatvora u trajanju od 3 (tri) godine i 5 (pet) mjeseci i Općinskog suda u Travniku broj 51 0 K 148623 19 K od 18.09.2020. godine, kojom je osuđen na kaznu zatvora u trajanju od 5 (pet) mjeseci, uzimaju se utvrđenim, pa se H. G., na osnovu člana 54. stav 2. tačka b) Krivičnog zakona Federacije Bosne i Hercegovine i člana 340a. Zakona o krivičnom postupku Federacije Bosne i Hercegovine,

O S U Ā U J E

na jedinstvenu kaznu zatvora u trajanju od 3 (tri) godine i 8 (osam) mjeseci.

Osuđenom se, po članu 57. stav 1. Krivičnog zakona Federacije Bosne i Hercegovine, u jedinstvenu kaznu zatvora uračunava vrijeme provedeno u pritvoru po bilo kojoj od navedenih presuda, te cjelokupno vrijeme provedeno na izdržavanju kazne zatvora po navedenim pravomoćnim presudama.

U preostalom dijelu naprijed navedene pravomoćne presude ostaju ne izmijenjene.

Obrazloženje

Osuđeni H. G. (osuđeni) podnio je dana 25.03.2021.godine ovome sudu prijedlog da se izvrši preinačenje dvije naprijed navedene pravomoćne presude, kojima su mu izrečene kazne zatvora, a da nisu primjenjivane odredbe o sticaju.

U smislu člana 340a. stav 3. Zakona o krivičnom postupku Federacije Bosne i Hercegovine (ZKP FBiH) zatraženo je da se nadležno kantonalno tužilaštvo u Travniku izjasni o tom prijedlogu, koje je svojim aktom broj T06 0 KT 0019437 20 2 od 31.05.2020.godine, suglasilo se sa tim prijedlogom osuđenog ukoliko je sukladan odredbama Krivičnog zakona Federacije Bosne i Hercegovine (KZ FBiH) i ZKP FBiH.

Po razmatranju pravomoćnih presuda i odgovarajućih spisa, ovaj sud je našao da je, u konkretnoj faktičkoj situaciji, prijedlog osnovan i da ima mjesta primjeni člana 340a. ZKP FBiH i člana 54. stav 2. tačka b) KZ FBiH, što predlaže osuđeni.

Iz spisa i pravomoćne presude Kantonalnog suda u Novom Travniku broj 06 0 K 011141 20 Kv 4 od 22.01.2021. godine, utvrđeno je da je H. G., osuđen na jedinstvenu kaznu zatvora u trajanju od 3 (tri) godine i 5 (pet) mjeseci u koju mu je po članu 57. stav 1. KZ FBiH, uračunato vrijeme provedeno u pritvoru kao i na izdržavanju kazne. Ova presuda postala je pravomoćna dana 24.08.2021.godine.

Iz pravomoćne presude Općinskog suda u Travniku broj 51 0 K 148623 19 K od 18.09.2020. godine, utvrđuje se da je isti osuđeni zbog krivičnih djela navedenih u toj presudi, pravomoćno osuđen na kaznu zatvora u trajanju od 5 (pet) mjeseci. Ova presuda je postala pravomoćna dana 14.12.2020. godine.

Pošto je utvrđeno da postoje dvije pravomoćne presude po kojima osuđeni nije izdržao kaznu iz naše presude, a nisu primijenjene odredbe o sticaju iz člana 54. stav 2. tačka b) KZ FBiH, u odnosu na navedene pravomoćne presude, to je ovaj sud našao da su u konkretnom slučaju, ispunjeni uvjeti za primjenu člana 340a. ZKP FBiH i preinačenje navedenih pravomoćnih presuda samo u pogledu kazne.

Prema odredbi člana 340a. ZKP FBiH, proizilazi da pravomoćna presuda može se preinačiti i bez ponavljanja krivičnog postupka, ako je u dvije presude ili u više presuda protiv istog osuđenog pravomoćno izrečeno više kazni, a nisu primijenjene odredbe o odmjeravanju jedinstvene kazne za djela u sticaju, što je upravo u konkretnom slučaju, pa je ovaj sud, koji je izrekao strožiju kaznu u ranije navedenim pravomoćnim presudama, kao stvarno nadležan u smislu odredbi člana 340a. stav 2. ZKP FBiH, ovom svojom presudom preinačio, u pogledu odluke o kazni, naprijed navedene pravomoćne presude i izrekao jedinstvenu kaznu prema odredbama o sticaju, sukladno odredbama člana 54. stav 2. tačka b) KZ FBiH i član 340a. ZKP FBiH.

Prilikom izricanja jedinstvene kazne, ovaj sud je uzeo u obzir sve okolnosti koje su ranije uzeli navedeni sudovi i to kako olakšavajuće, koje su iznesene u navedenim presudama, tako i otežavajuće da se radi o teškim djelima, pa da ni protok vremena ne umanjuje značaj i težinu ovih krivičnih djela, te obzirom na jačinu povrede zaštićenog dobra i ispoljeni visok stepen krivnje optuženog kao počinioca, kao i činjenici da se radi o povratniku u izvršenju istovrsnih krivičnih djela, kao i olakšavajuće okolnosti iz tih presuda, a da okolnosti koje navodi su već cijenjene u navedenim pravomoćnim presudama. Zbog toga je ovaj sud izrekao kaznu koju smatra nužnom mjerom i za koju je uvjerenja da će u okviru kako svrhe propisivanja krivičnihopravnih sankcije iz člana 7. KZ FBiH, u cijelosti ostvariti kako opću, tako i posebnu svrhu kažnjavanja iz člana 42. KZ FBiH.

Na temelju člana 57. stav 1. KZ FBiH, osuđenom je u izrečenu kaznu uračunato vrijeme koje je proveo u pritvoru po bilo kojoj od navedenih presuda, te cjelokupno vrijeme provedeno na izdržavanju kazne zatvora po navedenim pravomoćnim presudama.

Na temelju izloženog i člana 54. stav 2. tačka b) KZ FBiH, a po članu 340a. ZKP FBiH, odlučeno je kao u izreci.

Zapisničar
Erma Jusić,s.r.

Predsjednik vijeća
Davor Kelava,s.r.

Pravna pouka:

Protiv ove presude dozvoljena je žalba u roku od 15. (petnaest) dana od dana prijema iste, Vrhovnom sudu Federacije BiH Sarajevo. Žalba se podnosi u 3 (tri) primjerka putem ovog suda.